



Concello de Vigo

Secretaría de Goberno Local
Expte 818/1102

RESOLUCIÓN

LEVANTAMENTO DA SUSPENSIÓN TEMPORAL DA ACTIVIDADE NAS INSTALACIÓNS DEPORTIVAS MUNICIPAIS

Con data 11 de marzo do 2020 a Organización Mundial da Saúde (OMS) declarou o brote de SARS-CoV 2 como pandemia. Por Resolución desta Alcaldía de data 12 de marzo de 2020 acordouse a creación dun Comité de Seguimento de evolución do COVID-19, coa finalidade de analizar a situación e propoñer a implementación das medidas que se estimasen necesarias.

Por Resolución desta Alcaldía de data 12.03.2020, trasladáronse ao ámbito territorial do Concello de Vigo as medidas de suspensión de usos e actividades decretados polo Goberno de España e relacionáronse no seu Anexo I as instalacións pechadas ao público, nas que se inclúe, entre outras, as seguintes:

- Os complexos deportivos municipais do Carme, de Teis, de Valladares, de As Travesas, de Samil, de ETEA, e de Navia.
- Os pavillóns deportivos municipais de Berbés, Bouzas, Coia, Teis e Castrelos, Coruxo, Valladares, Bembrive, Lavadores, Carballal, Sárdoma e Candeán.
- Os campos de fútbol municipais do Monte da Mina, Bouzas, de Meixoeiro, San Andrés de Comesaña, Carballal, Candeán, A Guía (Teis), Sárdoma, Campo del Vao (Coruxo), do Fragoselo.
- As pistas de atletismo de Balaídos.

A continuidade do peche acordouse por Resolucións desta Alcaldía de datas 14.03.2020 ao abeiro do establecido no Acordo do Consello da Xunta de Galicia de data 13 de marzo de 2020, en substitución do disposto no apartado quinto da Resolución desta Alcaldía de data 13 de marzo de 2020, relativa á ampliación do primeiro paquete de medidas polo COVID-19, e de data 15.03.20 de continuar o peche das instalacións e actividades acordados por resolucións previas desta Alcaldía, ao abeiro do establecido no Acordo do Consello da Xunta de Galicia de data 13 de marzo de 2020 e do Real Decreto 463/2020, de 14 de marzo, polo que se declara o estado de alarma para a xestión da situación de crise sanitaria ocasionada polo COVID-19.

Visto o informe de data 14/09/2020, asinado polo xefe do servizo de Deportes, conformado polo adxunto á Xefatura do servizo e polo Concelleiro-Delegado de Deportes parece aconsellable, unha vez expirada a vixencia do estado de alarma, o levantamento da suspensión temporal da actividade nas anteditas instalacións deportivas municipais, coas normas de uso axeitadas para o cumprimento das debidas condicións sanitarias.

No exercicio das competencias que a normativa vixente en materia de réxime local lle confire a esta Alcaldía-Presidencia en canto á dirección da política, o goberno e a administración municipal, así como o establecemento das directrices xerais da acción de goberno municipal e o aseguramento da súa continuidade, contidas no artigo 124.4.a) e c), respectivamente, da Lei 7/1985, de 2 de abril, Reguladora das Bases do Réxime Local, e Lei 5/1997, do 22 de xullo, de Administración Local de Galicia, de conformidade coas medidas previamente adoptadas por esta Alcaldía no marco do seguimento da situación:



Copia do documento - Concello de Vigo

Data impresión: 22/09/2020 10:28

Páxina 1 de 2

Expediente 818/1102

CSV: 2CE489-BBEECE-D7CC31-EFXRHE-SEWS8V-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Concello de Vigo

RESOLVO:

Primeiro.- Modificar as Resolucións previas desta Alcaldía, de 12, 14 e 15 de marzo no relativo ao peche total das instalacións municipais e decretar **o levantamento da suspensión temporal da actividade nos complexos deportivos municipais do Carme, de Teis, de Valladares, de As Travesas, de Samil, de ETEA, e de Navia; os pavillóns deportivos municipais de Berbés, Bouzas, Coia, Teis e Castrelos, Coruxo, Valladares, Bembrive, Lavadores, Carballal, Sárdoma e Candeán; os campos de fútbol municipais do Monte da Mina, Bouzas, de Meixoeiro, San Andrés de Comesaña, Carballal, Candeán, A Guía (Teis), Sárdoma, Campo del Vao (Coruxo), do Fragoselo e as pistas de atletismo de Balaídos** a partires do día **21 de setembro de 2020**, segundo proposta do 14/09/2020, do xefe do servizo de Deportes, conformado polo adxunto á Xefatura do servizo e o Concelleiro-Delegado de Deportes.

Segundo.- Notificar a presente Resolución á Concellería Delegada Deportes, para o seu coñecemento e execución.

Terceiro.- Dar publicidade deste acordo mediante todos os medios internos e externos dispoñibles, procurando a máxima difusión á cidadanía.

CCA/xs

O ALCALDE-PRESIDENTE- ABEL CABALLERO ÁLVAREZ.

Dou fe. A SECRETARIA DO GOBERNO LOCAL-Mª CONCEPCIÓN CAMPOS ACUÑA



Copia do documento - Concello de Vigo

Data impresión: 22/09/2020 10:28

Páxina 2 de 2

Expediente 818/1102

CSV: 2CE489-BBEECE-D7CC31-EFXRHE-SEWS8V-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>